

déi *K*onservativ

“DÉI KONSERVATIV“

Association sans but lucratif

3, op de Gehren, L-4888 Lamadelaine

Virwuert

Mat Suerg ëm d’politesch, d’ekonomesch an d’sozial Entwécklung vun eisem Land, a baséierend op de Grondsätz vu Verfassung, Rechtsstaat a konstitutionell-parlamentarescher Monarchie, huet sech am Interessi fir eist Land an eis Bierger, d’Partei „Déi Konservativ“ gegrënnt.

KAPITEL 1

Haaptinfoen

Artikel 1

D’Vereenegung „Déi Konservativ“ ass eng lëtzebuergesch politesch Partei, op konservativer a patriotescher Grondlag. D’Partei datéiert hir Grënnung op den 21. Mäerz 2017 zu Lamadelaine.

Hire franséische Numm ass « Les Conservateurs » – hiren däitsche Numm „Die Konservativen“ – hiren englesche Numm “The Conservatives”.

Artikel 2

D’Grënnungsurkund an d’Néierschrëft vun hire Grënnungsmitgliedern, sinn nieft de Statuten, d’Fundament vun der Partei. Souwuel de Grënnungsacte, wéi och d’Parteistatuten, sinn ëffentlech zougänglech.

Artikel 3

D’Partei huet kee Parteikierzel, a gëtt offiziell mam ganze Numm genannt. Den hellbloe „K“ vun „Déi Konservativ“ ass allerdéngs gëltegt Parteisymbol.

De Copyright vum Logo läit bei der Partei „Déi Konservativ“ an duerf just am Intérêt vun der Partei, oder fir ëffentlech Berichterstattung vu Medien a Press fräi benotzt ginn.

D’Parteifaarwe vum Logo si schwaarz an hellblo, d’Schrëftvariant ass „Andalus“ an de „K“ gëtt an der Schrëftweis „Edwardian Script ITC“ redigéiert. De Standartlogo huet d’Gréisst 54 an de Buschtaf „K“ 72.

Artikel 4

D'Leetiddien, d'Prinzipien, an déi politesch Ziler sinn am Grondsazprogramm, souwéi am Wahlprogramm festgehalen. Dës kënnen op Initiativ vum Nationalkomitee um järeleche Nationalkongress jidder Zäit adaptéiert, erweidert a geännert ginn. D'Partei verfollegt den Interessi, fir um demokrateschen a politesche Liewen deel ze huelen, bei der politescher Wëssensbildung mat ze maachen, an hir politesch an alternativ Iddien ze promouvéieren.

Artikel 5

De Parteisëtz ass op folgender Adress;

3, op de Gehren

L-4888 Lamadelaine

Lëtzebuerg

Dëse kann zu jidder Zäit op eng aner Plaz verluecht ginn, wann d'Partei dës Decisioun hält. D'Partei ass no enger Hierarchie a Struktur gegliedert an an dëser, onverännerbar. D'Hierarchie gesäit, wéi an de Statuten definéiert, eng Parteispëtz an e Komitee vir, an d'Struktur ass nom Prinzip Exekutiv-Nationalkomitee-Bezierker-Sektiounen organiséiert.

Artikel 6

„Déi Konservativ“ hu keng identesch oder vergläichbar Schwësterpartei am In- an Ausland. D'Partei ka sech allerdéngs europäeschen oder internationalen Organisatiounen uschlëssen oder Partnerschaften agoen. Dës Decisioun läit beim Nationalkomitee.

KAPITEL 2

Memberschaft

Artikel 7

Eng Memberschaft kann duerch e schrëftlech Schreiwes, de Memberformulaire oder iwwert E-Mail mat der éierlecher a korrekter Indikatioun vun allen Donnéeën (déi vun der Partei vertraulech behandelt ginn) ugefrot ginn. No Iwwerprüfung vum Nationalkomitee kritt den Interessent e Begrëssungsschreiwes mat senger personaliséierter Memberskaart zougestallt, woumat seng Memberschaft offiziell ass. All neien Interessent, duerchleeft en allgemengen „Check“ viru senger accordéierter Parteimemberschaft, a kann ggf. seng Memberschaft fir an d'Partei, mat oder ouni Grond, refuséiert kréien. Et läit an der Responsabilitéit vum Nationalkomitee fir iwwert d'Ophuele vun neie Memberen an d'Partei oder a Gremien, no entsprechemdem Iwwerpräiwen, z'entscheeden.

Artikel 8

All Member ass verpflichtet, d'Statuten, de Grundsatzprogramm an de Wahlprogramm ze respektéieren a säi järeleche Memberscotisatioun ze bezuelen. E neie Parteimember ass no dräi Méint Membership fir Poste wielbar, et sief et handelt sech ëm d'Neigrënnung oder d'Reorganisatioun vun enger Parteisektioun oder engem Parteibeziirk wou dës Regel sech aus organisatoresche Grënn, net applizéiert.

Artikel 9

D'Memberschaft geet verluer duerch eng schrëftlech Kënnegung (Austrëtt aus der Partei), e positiivt Ausschlossverfahren, d'Netbezuele vum Membersbäitrag oder duerch den Iwwertrëtt an eng aner politesch Partei oder Vereenegung.

Artikel 10

D'Parteistatuten gesinn Disziplinarprozedure vir. Dës Disziplinargewalt läit beim Nationalkomitee an eng entspreichend Prozedur gëtt aktiv, bei Verstéiss géint d'Uerdnung, den Image, an d'Interesse vun der Partei. Eng Demande fir eng Disziplinarprozedur ka schrëftlech a mat Noweis vun alle vertraedene Memberen aus dem Nationalkomitee ugefrot ginn a gëtt mat einfacher Stëmmemajoritéit akzeptéiert oder refuséiert.

En Disziplinarverfahre baséiert ëmmer op dem Recht vum concernéierte Member, op eege Verdeedegung, als mëndlech oder schrëftlech Stellungnahm beim Nationalkomitee. De concernéierte Member muss och fir eng entspreichend Disziplinarprozedur, convoquéiert ginn an hei mat de Parteistatuten an der Prozedur op e Neits, vertraut gemaach ginn. D'Disziplinarprozedur muss als Punkt um Ordre du Jour vun der Réunioun stoen an all disziplinär Décisionen gi vum Nationalkomitee mat majoritärem Vote geholl. Dës Decisiounen kënnen temporär oder suspensiv sinn.

Artikel 11

D'Disziplinarprozedur gesäit verschidde konkret Moosnamen fir, fir dem concernéierte Member, d'Parteiuednung ze manifestéieren. Éier et zu enger Disziplinarprozedur fir e Parteiausschluss kënnt, kann de Nationalkomitee, eng vun dëse folgende Moosnamen decidéieren an applizéieren;

- Keng Moosnam
- Arbiträr mëndlech oder schrëftlech Verwarnungen
- Entzuch vu Parteiämter oder Ausschloss aus engem/méi Parteivir - stand/stänn
- Temporären Entzuch vun der Parteimemberschaft oder Verbuet fir d'Mentionnéierung
- Verbuet op de Wahllëschten ze kandidéieren
- Verbuet fir Stellungnahmen representativ am Numm vun der Partei ze tätegen
- Entzug vu Kontoberechtigung
- Schuedensersatz

Als leschten a schäerfste Moosnam, steet de Parteiausschluss;

Numéro RCS: F11249

- Parteiausschluss bei schwéiere Verstéiss géint d'Parteistatuten, d'Parteiprinzipien, de Wahlprogramm oder d'Interesse vun „Déi Konservativ“.
- Nieft dem Sanktionéiere vun eenzele Member, kann och d'Opléisung vun enger ganzer Sektioon an hirem Virstand decidéiert ginn, wann dës d'Parteistatute blesséiert.

Artikel 12

Als prinzipiell Grënn fir esou eng Disziplinarprozedur gesäit d'Partei,

- D'Memberschaft an extremistesche Vereenegungen oder extremisteschen Aussoen
- Extremistesche Aktivitéiten op de soziale Medien
- Politesch Aktivitéiten zu Ongonschten oder géint d'Partei „Déi Konservativ“
- Verstéiss géint d'Parteiuerdnung an d'intern Disziplin resp. parteischiedegend Attituden
- Déifstal vu Parteieigentum/Parteikapital oder Verontreuung vun de Parteisuen resp. finanziell oder materell zougefügte Schued fir d'Partei
- Verëffentlechung vu Parteiinterna
- Absichtlech Verstéiss géint d'Parteiprinzipien, d'Parteistatuten, d'Parteinteressen oder de Wahlprogramm
- Imageschued fir d'Partei an der Ëffentlechkeet
- Aner Grënn

Artikel 13

Ausgetrueden oder ausgeschlosse Memberen hu keen Urecht op materiellen oder finanzielle Besëtz vun der Partei. Si sinn obligéiert – am Fall vun engem gewielte Mandat – dësen un d'Partei zeréck ze ginn, insofern si dësen iwwert eng Kandidatur op enger vun de Wahllëschten vun „Déi Konservativ“ kritt hunn.

KAPITEL 3

Parteisektiounen a Bezierker

Artikel 14

Et steet alle Membere fräi, eng Parteisektioun ze grënnen. Dës muss allerdéngs iwwert e schrëftlech Schreiwes un de Nationalkomitee geschéien, an e majoritäre Vote entscheet iwwert den Accord heizou. D'Aufgab vun enger Parteisektioun ass d'Partei un der Basis ze organiséieren, politesch Aktivitéiten a Versammlungen of ze halen, un der Lokalpolitik deel ze huelen, bei Gemengewahlen ze participéieren, nei Memberen ze gewannen, an d'Iddie vun der Partei bekannt ze maachen.

Artikel 15

All Sektioon ass verflucht, hier järelech Generalversammlung mat fixem Ordre du Jour ofzehalen. All d'Membere vun enger Sektioon sinn invitéiert a stëmberechtegt.

Artikel 16

D'Generalversammlung huet folgend Aufgab,

- Si zitt Bilanz vum politesche Joer
- Si presentéiert a gëtt d'Decharge vun der gefouserter Comptabilitéit
- Si wielt de Sektionsvirstand an d'Keeserevisoren
- Si leet de kommunalpolitesche Programm fest
- Si ka Virschléi, Fuerderungen, Ideeën un dat nationaalt Gremium vun der Partei weiderginn
- Si wielt a nennt hir Delegéierter fir de Bezierk

All Entscheedungen déi d'Generalversammlung oder d'Sektion hält, gi per Vote decidéiert a resultéieren op einfacher Stëmmemajoritéit. Bei Stëmmegläichheet, entscheet d'Stëmm vum President.

Art 17

D'Invitatiounen fir regulär Versammlungen mussen mindestens siwen Deeg am Voraus un d'Membere verschéckt ginn, den Termäin fir d'Generalversammlung läit bei zéng Deeg.

Art 18

D'Sektion ass obligéiert, innerhalb vun engem Mount eng aussergewöhnlech Versammlung mat geneeër Dagesuerdning an ze ruffen, wann d'Halschent vun de Komiteesmemberen dat wënscht.

Art 19

De Sektionsvirstand gëtt all Joers neigewielt a besteet aus mind. 3 Memberen (President, Generalsekretär a Keessjee). Memberen, déi am Laf vum Joer opgeholl ginn, gëllen als an de Komitee co-optéiert, allerdéngs just mat enger berodender Stëmm.

Art 20

D'Posten an déi jeeweileg Kandidaturen ginn all Kéiers op der Generalversammlung gewielt. All Member, deen zënter dräi Méint aktiv ass, ass berechtegt op eng Kandidatur. Zur Wiel stinn de President, een oder méi Vizepresidenten, de Sekretär, de Keessjee an d'bäiguednet Komiteesmemberen.

All Parteisektion huet d'Recht, hir Delegéiert (max. 3) an hiren entsprechende Bezierk ze wielen an ze nennen. D'Sektionspresidenten souwéi d'Mandatären op lokalem, nationalem oder internationalem Plang sinn d'office Member vum Bezierk a vum Nationalkomitee.

Art 21

Eng Versammlung muss mindestens eemol am Mount stattfannen. Feelt e Komiteesmember dräimool onentschëllegt, gëtt dëse convoquéiert. Ass de Member eng weider Kéier onentschëllegt, gëlt de Member als net méi aktiv, a gëtt als ausgetruede consideréiert. De President leed all Versammlung, kann dës Charge awer och un de Vizepräsident ofginn. De Vizepräsident agéiert legitiméiert stellvertriedend am Fall vun der Absence vum President.

Art 22

De Rapport vun all Versammlung ass d'Charge vum Sektionssekretär, a gëtt mat der Invitatioun vun der nächster Versammlung innerhalb vu siwen Deeg, un d'Membere mat verschéckt. De Keessjee huet d'Aufgab, d'Keessebuch ze féieren.

Art 23

D'Sektioon steet ënnert der Responsabilitéit vun hirem jeeweilege Komitee. D'Ënnerschrëften vum Sektionspresident, Sektionskeessjee a vum Sektionssekretär müssen ob alle wichtege Pabeieren a Beschlëss drop sinn. D'Sektioon däerf keng eege Kreditter ophuelen, déi net vum nationale Gremium, dem Nationalkomitee accordéiert goufen oder déi eege Keesselimit vun der Sektioon defizitär maachen.

Art 24

D'Sektione kënnen sech eens ginn, fir sech als gemeinsam Fusionssektioon ze regroupéieren. Heifir brauch et e schrëftlech Schreiwes un de Nationalkomitee mat den Ënnerschrëfte vun de jeeweilege Sektionen, wou d'Relevanz vum Nationalkomitee analyséiert a ggf. uschlëssend accordéiert gëtt.

Art 25

All d'Sektionen si jeeweils hirem Bezierk ënnerstallt. D'Partei gliddert sech an d'Bezierker Süden, Norden, Zentrum an Osten.

D'Bezierker hunn d'Aufgab, d'Zësummenaarbecht an d'Kommunikatioun vun de Sektionen ze koordinéieren, an d'Sektionen un e gemeinsamen Dësch ze bréngen en vue vum politeschen Austausch. Weiderhin schaffen si am gemeinsame politeschen Interessi fir hire Bezierk.

D'Bezierker hunn d'Recht hir Délégéiert (max. 3) an de Nationalkomitee ze wielen an ze nennen. D'Bezierkspresidenten souwéi d'Mandatären op lokalem, nationalem oder internationalem Plang sinn d'office Member vum Nationalkomitee souwéi der Exekutiv.

Fir de Bezierk gëllen déi selwecht Spillregelen a Critèren, ewéi fir eng Parteisektioon an hire Fonctionnement. *(Verweis op Kapitel 3)*

KAPITEL 4

Aner Parteigliederungen

Art 26

Op Beschluss vum Nationalkomitee, kann d'Partei aner Parteigliederunge grënnen: intern Aarbechtsgemeinschaften, eng Jugendsektioun, eng Fraesektioun an ähnlech Parteigliederungen. D'Jugendsektioun vun „Déi Konservativ“ dréit den Numm „Jonk Konservativ“.

Dës Parteigliederunge si gebonnen un d'Partei „Déi Konservativ“, a mussen an hirem politeschem Wierken, d'Statuten, de Grondsazprogramm an de Wahlprogramm respektéieren a sinn an hirem Fonctionnement an hirem Charakter enger Sektoun identesch.

Si si berechtegt, politesch Stellungnahmen ze publizéieren, als berodend Organ vum Nationalkomitee ze wierken, oder intern Propositionen ze maachen.

Art 27

D'Jugendorganisatioun „Jonk Konservativ“ däerf Memberen am Alter vu mind. 16 Joer, a vu max. 30 Joer ophuelen. D'Memberschaft an der Jugend setzt eng Memberschaft an der Mammepartei viraus. All Member tëscht 16 an 30 Joer, ass d'office och Member, vun der Jugendorganisatioun.

KAPITEL 5

Nationalkomitee a Nationalkongress

Art 28

All d'Memberen hunn eng Memberskaart déi 15 € kascht. Dës Kaart kann zu all Abléck op engem Event als Préifstéck gefrot ginn, notamment fir d'Vérificatioun fir d'Wahlrecht.

Art 29

De Nationalkongress fënnt all Joers statt. Genee Detailer leet de Nationalkomitee fest. D'Invitatioun fir de Nationalkongress gëtt vum Generalsekretär geschriwwen, an an Ofsprooch vun der Dagesuerdnung mam Nationalkomitee, decidéiert. De Member muss dës Invitatioun zéng Deeg am viraus a senger Bréifkëscht hunn.

Art 30

D'Aufgab vum Nationalkongress sinn,

- D'Guttheesche vum Aktivitéits- a Finanzbericht vum Legislaturjoer an d'Entlaschtung vum Komitee
- D'Wiel vum Nationalpresident, dem Vizepresident, dem Generalsekretär souwéi dem Generalkeessjee
- Décisioune bezüglech Statuten, Grondsazprogramm, Wahlprogramm, Strategie oder Projeten
- D'Festleeung vun de Cotisatiounen

De Kongress entscheet mam Vote vun all de presente Memberen, Stëmmenthalunge gi net gezielt. Zu all Moment kann op Wonsch vun der Halschent vum Nationalkomitee, en aussergewöhnleche Nationalkongress aberuff ginn.

Art 31

De Nationalkomitee setzt sech d'office aus zësummen aus;

- der Parteispëtzt

Nationalpresident, Vizepresident/en, Generalsekretär, Generalkeessjee

- de Mandatären op lokalem, nationalem oder internationalem Plang

Députéiert, Buergermeeschter, Schäffen, Gemengeconseilljeeën, Délégierten

- de gewielte Beziersdélégierte fir de Nationalkomitee
- de Bezierspresidenten

All d'Membere vum Nationalkomitee musse Membere vun der Partei sinn, an e.a aktiv an enger Sektioon oder engem Bezierk matwierken.

Art 32

D'Kandidaturen fir d'Memberschaft oder d'Posten am Nationalkomitee, si schrëftlech un de Nationalkomitee eran ze reechen. Heifir ass en Délai vun mindestens siwen Deeg virum Nationalkongress virgesinn. Jidder gewielten Delegierten am Bezierk huet d'Recht op eng Kandidatur am Nationalkomitee, déi um Nationalkongress zur Ofstëmmung kommen.

D'Parteispëtzt gelt um Nationalkongress fir dräi Joer gewielt. All aner Poste, si fir ee Joer gewielt.

D'Membere vum Kongressbüro gi vum Nationalkomitee am Gespréich mat Sektioon a Bezierk decidéiert. Déi gewielte Membere vum Kongressbüro wielen ënnert sech, hire Kongresspresident.

Art 33

Fir beschlussfäeg op de Versammlungen ze sinn, muss e Quorum (½ Präsenz) areecht sinn. Ass dat net de Fall, gëtt d'Versammlung op en aner Datum reportéiert, deen eng Period vun zéng Deeg net iwwerschreiden däerf.

Art 34

All Rapport vum Nationalkomitee gëtt vum Generalsekretär verfaasst a mat eegener Nummer a mam jeeweilegen Datum no System archivéiert.

Art 35

D'Beschlëss vum Nationalkomitee gi per Vote geholl. Heibäi entscheed de Vote vun der Majoritéit. Bei Stëmme gläichheet, zielt dem President seng Stëmm duebel.

KAPITEL 6

Exekutiv

Art 36

D'Exekutiv féiert d'Decisiounen vum ieweschte Parteiorgan, dem legislative Nationalkomitee, aus.

D'Exekutiv setzt sech d'office aus der Parteispëtzt, de Bezirkspräsidenten an de Mandatären op lokalem, nationalem oder internationalem Plang zesummen. D'Exekutivsëtzung fënnt mind. eemol am Mount statt. D'Exekutiv ass tagungsberechtigt, wa mind e Quorum (½ Präsenz) areecht ass.

Art 37

D'Aufgab vum der Exekutiv ass,

- d'Ausféierung vum den Decisiounen vum Nationalkomitee,
- d'Koordinatioun vum alle Parteigliederungen,
- d'Ëmsetzung vu politesche Strategien a Projeten
- d'Organisatioun an d'lafend Geschäfte vum der Partei ze verwalten

KAPITEL 7

Finanzéierung

Art 38

D'Parteifinanzéierung geschitt opgrond vun,

- d'Memberscotisatioune (15 €)
- Solidaritéitsbäitreeg oder Spenden
- 25% vum Gehalt vun gewielte Mandatären
- Öffentlech Finanzéierung vum Staat / Parteifinanzéierung
- Sonsteg Einnamen

KAPITEL 8

Wahlen

Art 39

Jiddereen dee Member vun „déi Konservativ“ ass a mindestens dräi Méint Parteimemberschaft nowiese kann, huet d'Recht op eng Kandidatur fir d'Wahlen. Heifir muss e schrëftlech Schreiwes agereecht ginn. De Nationalkomitee decidéiert per Vote, wéi eng Memberen fir d'Wahlen op d'Lëscht accordéiert ginn. Dës Membere ginn via Schreiwes oder op entsprechende Versammlungen doriwwer informéiert. All d'Parteigliederunge kënnen och potentielle Kandidate proposéieren a sinn domat beoptraagt, de Nationalkomitee beim Opsetze vun de Wahllëschten z'ënnerstëtzen. Potentiell Kandidaten kënnen sech awer och selwer, proposéieren. Virrang hu selbstverständlech déi Memberen, déi sech duerch laang oder aktiv Memberschaft auszeechnen oder partei- intern/extern Poste bekleeden.

Art 40

Gëtt d'Kandidatelëscht per Vote vum Nationalkomitee refuséiert, ass et d'Aufgab vum Nationalkomitee, eng nei Lëscht ze proposéieren an ze wielen. Als gewielt gëllen Déijéineg, déi am meeschte Stëmme erhalen. D'Lëscht gëtt per alphabetescher Reiefolleg opgesat, de Spëtzekandidat ass Lëschteplaz 1. E Kandidat kann zu all Moment vun der Lëscht nees erofgeholl ginn, wann dësen net(méi) de Statuten entsprécht oder am Fall, wou eng Disziplinarprozedur géint dëse leeft.

Art 41

De Wahlprogramm an d'Wahllëschte fir d'Gemengen-, d'Chamber- an d'Europawahlen ënnerleien och der Kompetenz a Responsabilitéit vum Nationalkomitee an Zësummenaarbecht mat de Bezierker a Sektioneen. Jiddfer Parteimember ass berechtegt, Iddien, Proposen a Virschléi un de Nationalgremium ze maachen.

KAPITEL 9

Statutenännerung

Art 42

Statutenännerunge ginn um Nationalkongress vir geholl. Hei trefft e majoritäre Vote, eng entspriechend Entscheedung. Jidderee kann dem Nationalkomitee Virschléi fir eng Statutenännerung proposéieren, déi de Nationalkomitee no enger Analys dann entspriechend um Nationalkongress zur Ofstëmmung stellt. Dës Propositione mussen dem Nationalkomitee zéng Deeg virum Kongress virleien. Et brauch eng 2/3 Majoritéit beim Vote, fir eng Statutenännerung unzehuelen.

KAPITEL 10

Opléisung

Art 43

D'Partei huet d'Recht sech zu jidder Zäit opzeléisen. Heifir muss de Nationalkomitee eng 2/3 Décisioun treffen, dem President seng Stëmm ass obligatoresch.

Art 44

D'Verméigen an dat materiellt Kapital vun der Partei ginn am Fall vun enger Opléisung un eng karitativ Organisatioun gespent.

Art 45

Entspriechend Moosname no enger Decisioun fir eng Opléisung leien an der Kompetenz vum demissionäre Nationalkomitee.

Art 46

All prozedural, temporär oder decisiv Entscheedungen, déi net an de Statuten definéiert oder virgesi sinn, ënnerleien der Décisioun vum Nationalkomitee.